

ստեատողաբանան մաստանարութ ամաջաներն առութանությանը և առութանության և առութանության և առութանան առութանան անանա

7 hուլիսի 2016 թվականի N 726 - Ն

ՀԱՑԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2016-2018 ԹՎԱԿԱՆՆԵՐԻ ԸՆԹԱՑՔՈՒՄ ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԴԵՄ ՊԱՅՔԱՐԻ ԿԱՋՄԱԿԵՐՊՄԱՆ ԱՋԳԱՅԻՆ ԾՐԱԳԻՐԸ ԵՎ ԾՐԱԳՐԻ ԻՐԱԿԱՆԱՑՄԱՆ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

Ելնելով «Մարդկանց թրաֆիքինգի և շահագործման ենթարկված անձանց նույնացման և աջակցության մասին» Հայաստանի Հանրապետության օրենքի դրույթներից՝ Հայաստանի Հանրապետության կառավարությունը որոշում է.

- 1. Հաստատել Հայաստանի Հանրապետությունում 2016-2018 թվականների ընթացքում մարդկանց թրաֆիքինգի և շահագործման դեմ պայքարի կազմակերպման ազգային ծրագիրը և ծրագրի իրականացման ժամանակացույցը` համաձայն հավելվածի։
- 2. Հայաստանի Հանրապետության ֆինանսների նախարարին` սույն որոշման 1-ին կետով հաստատված ծրագրի միջոցառումների իրականացման ֆինանսավորման հնարավորության հարցը քննարկել Հայաստանի Հանրապետության յուրաքանչյուր տարվա բյուջետային գործընթացների շրջանակներում Հայաստանի Հանրապետության շահագրգիո պետական կառավարման մարմինների կողմից սահմանված կարգով ներկայացված հայտերի առկայության դեպքում։

- 3. Հայաստանի Հանրապետությունում մարդկանց թրաֆիքինգի և շահագործման դեմ պայքարի հարցերով խորհրդին` յուրաքանչյուր տարվա ավարտից հետո մեկամսյա ժամկետում Հայաստանի Հանրապետության կառավարություն ներկայացնել կատարված աշխատանքների մասին հաշվետվություն։
- 4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից։

ՀԱՑԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Հ. ԱԲՐԱՀԱՄՑԱՆ

2016 թ. հուլիսի 7 Երևան



Հավելված ՀՀ կառավարության 2016 թվականի հուլիսի 7-ի N 726 - Ն որոշման

ባብብሀባሪ ህብፀሀብደሀ

ՀԱՑԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2016-2018 ԹՎԱԿԱՆՆԵՐԻ ԸՆԹԱՑՔՈՒՄ ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԴԵՄ ՊԱՅՔԱՐԻ ԿԱՋՄԱԿԵՐՊՄԱՆ

ՆեՐԱԾՈՒԹՅՈՒՆ

ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԴԵՄ ՊԱՑՔԱՐԻ ԿԱԶՄԱԿԵՐՊՈՒՄԸ ՀԱՑԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ

Մարդկանց թրաֆիքինգի և շահագործման դեմ պայքարի կազմակերպումը Հայաստանի Հանրապետությունում սկսվել է 2002 թվականից։ Այդ երևույթի դեմ արդյունավետ պայքար մղելու նպատանի Հանրապետությունից շահագործման նպատակով մարդկանց ապօրինի փոխադրման, տեղափոխման և առուվաճառքի (թրաֆիքինգ) կանխման հայեցակարգը և ընդունվել ու իրականացվել են դրանից բխող չորս ազգային ծրագրերը. «Հայաստանի Հանրապետությունից շահագործման նպատակով մարդկանց ապօրինի փոխադրման, տեղափոխման նպատակով մարդկանց ապօրինի փոխադրման, տեղափոխման և առուվաճառքի (թրաֆիքինգ) կանխման 2004-2006 թվականների միջոցառումների ազգային ծրագիրը» (Հայաստանի Հանրապետության կառավարության 2004 թվականների ընթացքում մարդկանց շահագործման (թրաֆիքինգի) դեմ պայքարի կազմականների ընթացքում մարդկանց շահագործման (թրաֆիքինգի) դեմ պայքարի կազմակերպման ազգային ծրագիրը և ծրագրի իրականացման ժամանակացույցը» (Հայաստանի Հանրապետության կառավարության 2007 թվականի դեկտեմբերի 6-ի N 1598-Ն որոշում), «Հայաստանի Հանրապետության կառավարության 2007 թվականի դեկտեմբերի 6-ի N 1598-Ն որոշում), «Հայաստանի Հանրապետության մարդկանց

շահագործման (թրաֆիքինգի) դեմ պայքարի կազմակերպման ազգային ծրագիրը և ծրագրի իրականացման ժամանակացույցը» (Հայաստանի Հանրապետության կառավարության 2010 թվականի սեպտեմբերի 3-ի N 1140-Ն որոշում) և «Հայաստանի Հանրապետությունում 2013-2015 թվականների ընթացքում մարդկանց շահագործման (թրաֆիքինգի) դեմ պայքարի կազմակերպման ազգային ծրագիրը և ծրագրի իրականացման ժամանակացույցը» (Հայաստանի Հանրապետության կառավարության 2013 թվականի փետրվարի 28-ի N 186-Ն որոշում)։ Մարդկանց թրաֆիքինգի և շահագործման զոհերի պաշտպանությունն ու աջակցությունն արդյունավետ դարձնելու նպատակով 2014 թվականի դեկտեմբերի 17-ին ընդունվեց «Մարդկանց թրաֆիքինգի և շահագործման ենթարկված անձանց նույնացման և աջակցության մասին» Հայաստանի Հանրապետության ՀՕ-212-Ն օրենքը և ուժը կորցրած ճանաչվեց Հայաստանի Հանրապետության կառավարության 2008 թվականի նոյեմբերի 20-ի N 1385-Ա որոշմամբ հաստատակած՝ մարդկանց շահագործման (թրաֆիքինգի) ենթարկված անձանց ազգային ուղղորդման կարգը։

Չորրորդ ազգային ծրագրի շրջանակը

Չորրորդ` 2013-2015 թվականների մարդկանց շահագործման (թրաֆիքինգի) դեմ պայքարի կազմակերպման ազգային ծրագիրը ներառում էր նախորդ ծրագրի հիմնական ուղղությունները, միևնույն ժամանակ նախատեսված միջոցառումներով և նպատակներով ավելի զոհակենտրոն է։

Չորրորդ ծրագիրը նպատակ էր հետապնդում առավել կենտրոնացնել պետության ջանքերը հատկապես մարդկանց շահագործման (թրաֆիքինգի) զոհերի նույնացման և աջակցության բարելավման ուղղություններով անհրաժեշտ ենթաօրենսդրական բարեփոխումներ իրականացնելով, ինչպես նաև ֆինանսական հիմք ստեղծելով ու զարգացնելով ոլորտում գործող դերակատարների կարողությունները։

Չորրորդ ծրագրի հիմնական նպատակներից էր նաև ուսումնասիրությունների անցկացումը, այդ թվում՝ աշխատող երեխաների շրջանում։

Չորրորդ ծրագրում, ինչպես նախորդ բոլոր ծրագրերում, մեծ ուշադրություն էր դարձվում մարդկանց շահագործման (թրաֆիքինգի)՝ հատկապես աշխատանքային շահագործման (թրաֆիքինգի) կանխարգելման միջոցառումների իրականացմանը՝ ինչպես ընդհանուր բնակչության, այնպես էլ խոցելի խմբերի շրջանում։

Կարևոր ուղղություններից մեկն էր նաև զանգվածային լրատվամիջոցների (այսուհետ՝ ԶԼՄ) հետ համագործակցության զարգացումը՝ մարդկանց շահագործման (թրաֆիքինգի) դեպքերի լուսաբանման և զոհերի մասին տեղեկության ներկայացման ձևաչափի և մոտեցումների, ինչպես նաև զոհերի տվյալների գաղտնիության ապահովմանը վերաբերող հարցերում։

Ծրագիրը մշակվել էր Հայաստանի Հանրապետությունում մարդկանց շահագործման (թրաֆիքինգի) հարցերով խորհրդին կից աշխատանքային խմբի կողմից։

Ծրագիրը մշակելիս հաշվի են առնվել նաև երրորդ ազգային ծրագրի կատարման անկախ մշտադիտարկման արդյունքները, ինչպես նաև միջազգային ատյանների, մասնավորապես, 2012 թվականի սեպտեմբերին հրապարակված Եվրոպայի խորհրդի «Մարդկանց շահագործման (թրաֆիքինգի) դեմ պայքարի» կոնվենցիայի դրույթների Հայաստանի կողմից կատարման վերաբերյալ առաջին զեկույցի, ինչպես նաև ԱՄՆ պետքարտուղարության զեկույցի առաջարկները։

Ծրագրում ներկայացված ռազմավարություններն ու գործողություններն ուղղված են մարդկանց շահագործման (թրաֆիքինգի) դեմ պայքարի արդյունավետ կազմակերպմանը և ներառված են 5 հիմնական բաժիններում

• մարդկանց շահագործման (թրաֆիքինգի) դեմ պայքարի օրենսդրություն և օրենքների կիրառում,

- •մարդկանց շահագործման (թրաֆիքինգի) կանխարգելում,
- •մարդկանց շահագործման (թրաֆիքինգի) զոհերի պաշտպանություն և աջակցություն,
- համագործակցություն,
- •ուսումնասիրությունների կատարում, մշտադիտարկում և գնահատում։

Հինգերորդ ազգային ծրագրի շրջանակը

Հինգերորդ` 2016-2018 թվականների մարդկանց թրաֆիքինգի և շահագործման դեմ պայքարի կազմակերպման ազգային ծրագրով սահմանված են բազմապիսի նպատակներ, որոնք հասցեագրված են մարդկանց թրաֆիքինգի և շահագործման դեմ պայքարի բոլոր ոլորտներին և ներառում են նախորդ ծրագրի հիմնական ուղղությունները։

Հինգերորդ ազգային ծրագրում, ինչպես նախորդ բոլոր ծրագրերում, մեծ ուշադրություն է դարձվում երեխաների թրաֆիքինգի և շահագործման, ինչպես նաև աշխատանքային շահագործման կանխարգելման միջոցառումների իրականացմանը` ինչպես ընդհանուր բնակչության, այնպես էլ խոցելի խմբերի շրջանում։

Ծրագրում ներկայացված գործողություններն ուղղված են մարդկանց թրաֆիքինգի և շահագործման դեմ պայքարի արդյունավետ կազմակերպմանը և ներառված են 5 հիմնական բաժիններում

- •մարդկանց թրաֆիքինգի և շահագործման դեմ պայքարի օրենսդրություն և դրանց կիրառման ապահովում,
 - •մարդկանց թրաֆիքինգի և շահագործման կանխարգելում,
- •մարդկանց թրաֆիքինգի և շահագործման ենթարկված անձանց հայտնաբերում, պաշտպանություն և աջակցություն,
 - •համագործակցություն,
 - •ուսումնասիրությունների կատարում, մշտադիտարկում և գնահատում։

ԳԼՈՒԽ I. ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԴԵՄ ՊԱՑՔԱՐԻ ՕՐԵՆՍԴՐՈՒԹՅԱՆ ԿԱՏԱՐԵԼԱԳՈՐԾՈՒՄԸ ԵՎ ԳՈՐԾՈՂ ՕՐԵՆՍԴՐՈՒԹՅԱՆ ԿԻՐԱՌՄԱՆ ԱՊԱՀՈՎՈՒՄԸ

Նպատակ 1. Օրենսդրական դաշտի կատարելագործում և կիրառելիության ապահովում

- 1.1.1. Իրականացնել մարդկանց թրաֆիքինգի և շահագործման երևույթի հետ կապված Հայաստանի Հանրապետությունում գործող և միջազգային օրենսդրական դաշտի շարունա-կական վերլուծություն։
- 1.1.2. Մշակել և Հայաստանի Հանրապետության առողջապահության նախարարի հրամանով հաստատել ստուգաթերթեր՝ հարկադիր աշխատանքի և երեխայի աշխատանքի վատթարագույն ձևերի հայտնաբերման նպատակով։
- 1.1.3. Մշակել մարդկանց թրաֆիքինգի զոհ երեխաների հայտնաբերման և ուղղորդման ուղեցույց։

Գլուխ I ակնկալվող արդյունքները

- 1. Կկատարելագործվի Հայաստանի Հանրապետությունում գործող օրենսդրական դաշտը, այն կհամապատասխանեցվի Հայաստանի Հանրապետության միջազգային հանձնառություններին։
- 2. Կբարելավվեն մարդկանց թրաֆիքինգի և շահագործման ենթարկված անձանց բացահայտման, նույնացման և ուղղորդման գործընթացները։
- 3. Կոստակեցվեն թրաֆիքինգի և շահագործման ենթարկված անձանց աջակցության և պաշտպանության ընթացակարգերը։

Նպատակ 1. Մարդկանց թրաֆիքինգի և շահագործման վտանգի վերաբերյալ բնակչության իրազեկման բարձրացում

- 2.1.1. Շարունակել բնակչության իրազեկման և տեղեկացվածության բարձրացման աշխատանքները մարդկանց թրաֆիքինգի և շահագործման վտանգի վերաբերյալ՝ հատկապես ոիսկային խմբերում (օտարերկրացիներ, ապաստան հայցողներ, փախստականներ, արտագնա աշխատանքի մեկնողներ, կյանքի դժվարին իրավիճակում հայտնված անձինք)։
- 2.1.2. Հայաստանի Հանրապետության սահմանային անցակետերում շարունակել մարդկանց թրաֆիքինգի և շահագործման մասին առկա տեղեկատվական նյութերի տրամադրումը (տարածումը)։
- 2.1.3. Առողջապահական և ուսումնական հաստատություններում շարունակել մարդկանց թրաֆիքինգի և շահագործման վտանգի մասին առկա տեղեկատվական նյութերի տրամադրումը (տարածումը)։
- 2.1.4. Մարդկանց թրաֆիքինգի և շահագործման վերաբերյալ երիտասարդության իրազեկության բարձրացման նպատակով կազմակերպել միջոցառումներ և իրականացնել ծրագրեր։
- 2.1.5. Հայաստանի Հանրապետության դիվանագիտական ներկայացուցչությունների, սփյուոքի համայնքային և եկեղեցական կառույցների միջոցով արտերկրում գտնվող Հայաստանի Հանրապետության քաղաքացիների շրջանում իրականացնել մարդկանց թրաֆիքինգի և շահագործման վերաբերյալ կանխարգելիչ միջոցառումներ՝ առկա տեղեկատվական նյութերի տրամադրմամբ։
- 2.1.6.Մարդկանց թրաֆիքինգի և շահագործման վերաբերյալ հանրային իրազեկման ընդլայնման նպատակով Հայաստանի Հանրապետությունում մարդկանց թրաֆիքինգի և շահագործման դեմ պայքարի հարցերով խորհրդում ներկայացված նախարարությունների և

գերատեսչությունների պաշտոնական կայքերում տեղադրել <u>www.antitrafficking.am</u> կայքի հղումը։

2.1.7. Միջոցառումներ իրականացնել մարդկանց թրաֆիքինգի և շահագործման վտանգի վերաբերյալ իրազեկման բարձրացման և դրա դեմ պայքարի մեխանիզմների ուղղությամբ Հայաստանի Հանրապետության զինված ուժերում (այսուհետ՝ ՀՀ ԶՈՒ), մասնավորապես՝

ա. խաղաղապահ առաքելություններին մասնակցող ՀՀ ԶՈՒ-ի անձնակազմի շրջանում պարբերաբար անցկացնել մարդկանց թրաֆիքինգի և շահագործման վերաբերյալ իրազեկման բարձրացման քննարկում-դասախոսություններ՝ հաշվի առնելով միջազգային փորձը,

ր. Հայաստանի Հանրապետության պաշտպանության նախարարության ենթակայության իրավապահ մարմինների անձնակազմի շրջանում անցկացնել իրազեկման բարձրացման հատուկ ուղղվածության դասընթացներ՝ մարդկանց թրաֆիքինգի և շահագործման վերաբերյալ,

գ. մարդկանց թրաֆիքինգի և շահագործման վերաբերյալ ընդհանուր տեղեկություն ներառել ՀՀ ԶՈՒ -ի ուսումնական ծրագրերում,

դ. ՀՀ ԶՈՒ-ի ստորաբաժանումներում պարբերաբար անցկացնել մարդկանց թրաֆիքինգի և շահագործման, ինչպես նաև հարկադիր աշխատանքի վերաբերյալ տեղեկատվական հանդիպումներ, դրանց մասնակից դարձնելով նաև պարտադիր ժամկետային զինծառայողներին։

- 2.1.8. Շարունակել հարկադիր աշխատանքի և աշխատանքային թրաֆիքինգի իրագեկման և տեղեկատվության աշխատանքներն արհմիութենական ակտիվի շրջանում։
- 2.1.9. Ոչ պետական կազմակերպությունների (մասնավորապես՝ զբոսաշրջային ծառայություններ մատուցող ընկերությունների, հյուրանոցային տնտեսության օբյեկտների և տրանսպորտային կազմակերպությունների) աշխատողների համար կազմակերպել մարդկանց

թրաֆիքինգի և շահագործման, ինչպես նաև հարկադիր աշխատանքի վտանգի և կանխարգելման վերաբերյալ դասընթացներ, քննարկումներ։

Նպատակ 2. Պետական կատավարման, տեղական ինքնակատավարման մարմինների, բնակչության հետ անմիջական կապի մեջ գտնվող կազմակերպությունների աշխատողների մարդկանց թրաֆիքինգի և շահագործման վերաբերյալ իրազեկման բարձրացում և վերապատրաստում

2.2.1. ա. անցկացնել Հայաստանի Հանրապետության դիվանագիտական ներկայացուցչությունների աշխատողների իրազեկման բարձրացման աշխատանքներ, այդ թվում՝ տեղեկատվական նյութերի տրամադրմամբ,

ր. Հայաստանի Հանրապետության արտաքին գործերի նախարարության (այսուհետ՝ ՀՀ ԱԳՆ), դիվանագիտական դպրոցի ունկնդիրների համար անցկացնել վերապատրաստման դասընթացներ։

- 2.2.2. Համապատասխանեցնել «Հայաստանի Հանրապետությունում մարդու թրաֆիքինգի և շահագործման դեմ պայքարի իրավական հիմունքները», «Թրաֆիքինգամարդկանց շահագործում», «Հայաստանի Հանրապետության արտաքին գործերի նախարարության հյուպատոսական ծառայության աշխատողների համար «Մարդու շահագործումը (թրաֆիքինգը) և դրա դեմ պայքարը», Հայաստանի Հանրապետության քաղաքացիական ծառայողների պարտադիր վերապատրաստման դասընթացների «Մարդկանց շահագործումը (թրաֆիքինգը) և դրա դեմ պայքարը» ուսումնական մոդուլ» և «Մարդկանց թրաֆիքինգ. ինչպես լուսաբանել զանգվածային լրատվամիջոցներով» ձեռնարկները Հայաստանի Հանրապետության գործող օրենդրությանը։
- 2.2.3. Մարդկանց թրաֆիքինգի և շահագործման հատկապես աշխատանքային և երեխաների թրաֆիքինգի և շահագործման վերաբերյալ դասընթացներ կազմակերպել

ներքոհիշյալ մարմինների և կազմակերպությունների համապատասխան աշխատողների համար՝

- 1) ՀՀ կառավարությանն առընթեր ազգային անվտանգության ծառայության (այսուհետ՝ ՀՀ ԱԱԾ).
 - 2) ՀՀ կառավարությանն առընթեր ՀՀ ոստիկանության.
 - 3) ՀՀ քննչական կոմիտեի.
 - 4) ՀՀ քննչական հատուկ ծառայության.
 - 5) ՀՀ գլխավոր դատախազության.
 - 6) ՀՀ դատարանների.
 - 7) ՀՀ ՊՆ (մասնավորապես՝ ռազմական ոստիկանության և զինկոմիսարիատներ).
 - 8) ՀՀ փաստաբանների պալատի.
 - 9) սոցիալական ծառայությունների տարածքային մարմինների.
- 10) «Զրաղվածության պետական ծառայություն» գործակալության մարզային և տարածքային մարմինների.
 - 11) ինտեգրված սոցիալական ծառայությունների.
- 12) ՀՀ առողջապահական համակարգի, այդ թվում՝ առողջապահական պետական տեսչության.
 - 13) տարածքային կառավարման և տեղական ինքնակառավարման մարմինների.
 - 14) ՀՀ արդարադատության նախարարության քրեակատարողական ծառայության.
- 15) ՀՀ տարածքային կառավարման և արտակարգ իրավիճակների նախարարության միգրացիոն պետական ծառայության։
- 2.2.4. Երեխաների խնամք և պաշտպանություն իրականացնող հաստատությունների և հատուկ դպրոցների երեխաների հետ աշխատող անձնակազմի համար կազմակերպել դասընթացներ երեխաների թրաֆիքինգի և շահագործման դեպքերի կանխարգելման,

հայտնաբերման ու հատուկ կատեգորիայի զոհերի աջակցության և պաշտպանության կազմակերպման վերաբերյալ։

- 2.2.5. Երեխաների իրավունքների պաշտպանության համակարգի աշխատողների համար կազմակերպել հատուկ դասընթացներ երեխաների թրաֆիքինգի և շահագործման դեպքերի կանխարգելման, հայտնաբերման ու հատուկ կատեգորիայի զոհերի աջակցության և պաշտպանության կազմակերպման վերաբերյալ։
- 2.2.6. Շարունակել հանրակրթական դպրոցների մանկավարժների վերապատրաստման դասընթացները՝ «Թրաֆիքինգ. մարդկանց շահագործում» ձեռնարկի կիրառմամբ։
- 2.2.7. Հայաստանի Հանրապետության առողջապահության նախարարության առողջապահական պետական տեսչության աշխատանքի անվտանգության ապահովման հարցերով ծառայողների գործառույթների հստակեցման համար համապատասխան իրավական ակտերի վերանայման նպատակով առաջարկությունների ներկայացում։
- 2.2.8 Տարածքային կառավարման և տեղական ինքնակառավարման մարմինների կարողությունների զարգացում՝ մարդկանց թրաֆիքինգի և շահագործման դեպքերի կանխարգելման, հայտնաբերման, աջակցության և պաշտպանության կազմակերպման գործում։

Նպատակ 3. Երեխաների թրաֆիքինգի և շահագործման կանխարգելում

- 2.3.1. «Պետական աջակցություն Հայաստանի Հանրապետության մանկական խնամակալական կազմակերպությունների շրջանավարտներին» ծրագրի շրջանակներում իրականացնել մանկական խնամակալական կազմակերպությունների շրջանավարտների սոցիալական պաշտպանությանն ուղղված ծրագրեր։
- 2.3.2. Հանրակրթական դպրոցներում սովորողների շրջանում անցկացնել մարդու իրավունքներին (այդ թվում՝ նաև թրաֆիքինգին և շահագործման հարցերին) վերաբերող թեմաների ուսուցում։

- 2.3.3. Կազմակերպել մինչև 18 տարեկան աշխատող երեխաների՝ Հայաստանի Հանրապետության օրենսդրությամբ սահմանված երաշխիքների ապահովման մասին իրազեկման և աշխատող երեխաներին աշխատանքի վատթարագույն ձևերում ներգրավվման կանխարգելման վերաբերյալ սեմինարներ և քննարկումներ։
- 2.3.4. Նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստատությունների սովորողների և դասավանդողների համար կազմակերպել մարդկանց թրաֆիքինգի և շահագործման վերաբերյալ դասընթացներ։

Նպատակ 4. Սոցիալ-տնտեսական ծրագրերի իրականացում

- 2.4.1. Մարդկանց թրաֆիքինգի և շահագործման ենթարկված անձանց ներգրավել գբաղվածության կարգավորման ամենամյա պետական ծրագրերում։
- 2.4.2. Աշխատաշուկայում անմրցունակ անձանց աշխատանքի տեղավորման դեպքում գործատուին աշխատավարձի մասնակի և հաշմանդամություն ունեցող անձին ուղեկցողի համար դրամական օգնության տրամադրում։
- 2.4.3. Ձեռք բերած մասնագիտությամբ մասնագիտական աշխատանքային փորձ ձեռք բերելու համար գործազուրկներին աջակցության տրամադրում։
- 2.4.4. Գործազուրկին այլ վայրում աշխատանքի տեղավորման աջակցության տրամադրում։
- 2.4.5. Աշխատաշուկայում անմրցունակ անձանց աշխատանքի տեղավորման դեպքում գործատուին միանվագ փոխհատուցման տրամադրում։
- 2.4.6. Աշխատաշուկայում անմրցունակ անձանց աշխատանքային ունակությունների և կարողությունների ձեռքրերման համար միանվագ փոխհատուցում գործատուին։
- 2.4.7. Աշխատաշուկայում անմրցունակ անձանց փոքր ձեռնարկատիրական գործունեության աջակցության տրամադրում։

Նպատակ 5. Զանգվածային լրատվամիջոցների դերի բարձրացումը մարդկանց թրաֆիքինգի և շահագործման երևույթի լուսաբանման գործում

- 2.5.1. Մարդկանց թրաֆիքինգի և շահագործման վտանգի, զոհերի հանդեպ անհանդուրժողականության դրսևորումների դեմ պայքարի վերաբերյալ հասարակության իրազեկման բարձրացման նպատակով ԶԼՄ-ների հետ համագործակցությամբ շարունակել կազմակերպել հետուստատեսային և ռադիո հաղորդումներ, քննարկումներ, հանդիպումներ, սոցիալական գովազդների ցուցադրություններ և այլն։
- 2.5.2. Ապահովել Հայաստանի Հանրապետությունում մարդկանց թրաֆիքինգի և շահագործման դեմ պայքարն արտացոլող www.antitrafficking.am կայքի անխափան գործունեության և զարգացման պետական ֆինանսավորումը։
- 2.5.3. Մարդկանց թրաֆիքինգի և շահագործման երևույթը լուսաբանող լրագրողների մասնագիտական կարողությունների զարգացման և լրագրողական վարքականոնների կիրառման նպատակով կազմակերպել դասընթացներ և քննարկումներ։
- 2.5.4. Անցկացնել ամենամյա լրագրողական մրցանակաբաշխություն մարդկանց թրաֆիքինգի և շահագործման երևույթի և դրա դեմ պայքարի լուսաբանման վերաբերյալ։

Գլուխ 🗆 ակնկալվող արդյունքները

- 1. Կբարձրանա բնակչության, հատկապես ոիսկային խմբերի` մարդկանց թրաֆիքինգի և շահագործման վտանգների մասին տեղեկացվածության մակարդակը, դրա դեմ պայքարելու հնարավորությունների մասին իրազեկվածությունը։
- 2. Կնվազի հանրության շրջանում թրաֆիքինգի և շահագործման զոհերի նկատմամբ անհանդուրժողականությունը։
- 3. Կբարձրանա արտերկրում գտնվող Հայաստանի Հանրապետության քաղաքացիների շրջանում իրազեկվածության մակարդակը՝ մարդկանց թրաֆիքինգի և շահագործման

ոիսկերի և մարդկանց թրաֆիքինգի և շահագործման ենթարկված անձանց աջակցության նպատակով հնարավորությունների մասին։

- 4. Հայաստանի Հանրապետության պետական կառավարման, տեղական ինքնակառավարման մարմինների բնակչության հետ անմիջական կապի մեջ գտնվող կազմակերպությունների աշխատողների շրջանում կբարձրանա մարդկանց թրաֆիքինգի և շահագործման վերաբերյալ իրազեկման մակարդակը։
- 5. Կբարձրանա ուսումնական հաստատությունների սովորողների գիտելիքների մակարդակը մարդու իրավունքների, այդ թվում՝ նաև մարդկանց թրաֆիքինգի և շահագործման վերաբերյալ։
- 6. Բնակչությունը կտեղեկացվի հավանական զոհերի, զոհերի և հատուկ կատեգորիայի գոհերի աջակցության և պաշտպանության հնարավորությունների մասին։
- 7. Կբարձրանա մարդկանց թրաֆիքինգի և շահագործման ենթարկված անձանց մրցունակությունն աշխատաշուկայում։
- 8. Կբարձրանա ԶԼՄ-ների կողմից լուսաբանվող՝ մարդկանց թրաֆիքինգի և շահագործման վերաբերյալ նյութերի որակը։
- 9. Հայաստանի Հանրապետության պաշտպանության նախարարության ենթակայության տակ գտնվող կառույցների անձնակազմի շրջանում կբարձրանա մարդկանց շահագործման (թրաֆիքինգի) վերաբերյալ իրազեկվածության մակարդակը։

ԳԼՈՒԽ III. ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԵՆԹԱՐԿՎԱԾ ԱՆՁԱՆՑ ՀԱՅՏՆԱԲԵՐՈՒՄԸ, ՊԱՇՏՊԱՆՈՒԹՅՈՒՆԸ ԵՎ ԱՋԱԿՑՈՒԹՅՈՒՆԸ

Նպատակ 1. Մարդկանց թրաֆիքինգի և շահագործման ենթարկված անձանց հայտնաբերում և վերադարձի կազմակերպում

3.1.1. Կազմակերպել օտարերկրյա պետության տարածքում գտնվող թրաֆիքինգի և շահագործման ենթարկված անձանց վերաբերյալ «Մարդկանց թրաֆիքինգի և շահագործման

ենթարկված անձանց նույնացման և աջակցության մասին» Հայաստանի Հանրապետության օրենքով սահմանված տեղեկությունների փոխանցումը ՀՀ ԱԳՆ-ի միջոցով՝ համապատասխան օգնություն ցուցաբերելու և Հայաստանի Հանրապետություն կամավոր վերադարձնելու նպատակով։

3.1.2 Աշխատանքներ տանել Հայաստանի Հանրապետության սահմանային անցակետերում ծառայություն իրականացնող պետական և մասնավոր կազմակերպությունների կողմից հավանական գոհերի հայտնաբերման մեխանիզմների մշակման ուղղությամբ։

Նպատակ 2. Մարդկանց թրաֆիքինգի և շահագործման ենթարկված անձանց պաշտպանության և աջակցության տրամադրում

- 3.2.1. Ապահովել մարդկանց թրաֆիքինգի և շահագործման հավանական զոհերին, գոհերին, հատուկ կատեգորիայի զոհերին և նրանց օրինական ներկայացուցիչներին «Մարդկանց թրաֆիքինգի և շահագործման ենթարկված անձանց նույնացման և աջակցության մասին» Հայաստանի Հանրապետության օրենքով և օրենքից բխող այլ նորմատիվ իրավական ակտերով սահմանված պաշտպանության ու աջակցության տրամադրումը։
- 3.2.2. Ապահովել Հայաստանի Հանրապետության օրենսդրությամբ նախատեսված մարդկանց թրաֆիքինգի և շահագործման ենթարկված անձանց մատուցվող անհրաժեշտ ծառայությունների նվազագույն չափորոշիչների ներդրումը։

Գլուխ III ակնկալվող արդյունքները

- 1. Առավել արդյունավետ կդառնա մարդկանց թրաֆիքինգի և շահագործման ենթարկված անձանց պաշտպանությունը և աջակցության տրամադրումը։
- 2. Մարդկանց թրաֆիքինգի և շահագործման ենթարկված անձանց նույնացումը կիրականացվի նույնացման ընդհանուր սկզբունքների և մեթոդաբանության կիրառմամբ։
- 3. «Մարդկանց թրաֆիքինգի և շահագործման ենթարկված անձանց նույնացման և աջակցության մասին» Հայաստանի Հանրապետության օրենքով և այլ նորմատիվ իրավական

ակտերով նախատեսված աջակցության տրամադրումը կնպաստի հասարակության մեջ մարդկանց թրաֆիքինգի և շահագործման ենթարկված անձանց ինտեգրմանը։

4. Առավել արդյունավետ կդառնա մարդկանց թրաֆիքինգի և շահագործման ենթարկված անձանց պաշտպանությունը, այդ թվում կապահովվի նրանց անվտանգությունն ու անձնական տվյալների գաղտնիությունը։

ԳԼՈՒԽ IV. ՀԱՄԱԳՈՐԾԱԿՑՈՒԹՅՈՒՆԸ

Նպատակ 1. Միջազգային համագործակցություն

- 4.1.1. Մարդկանց թրաֆիքինգի և շահագործման դեմ պայքարի ոլորտում համագործակցել միջազգային, տարածաշրջանային, հասարակական կազմակերպությունների և ԶԼՄ-ների հետ։
- 4.1.2. Մարդկանց թրաֆիքինգի և շահագործման դեմ արդյունավետ պայքարի նպատակով շարունակել համագործակցությունն օտարերկրյա իրավապահ մարմինների ու մասնագիտացված միջազգային կազմակերպությունների, Հայաստանի Հանրապետությունում հավատարմագրված դիվանագիտական ներկայացուցչությունների հետ։

Գլուխ ۱∨ ակնկալվող արդյունքները

- 1. Միջազգային համագործակցության արդյունքում կբարձրանա մարդկանց թրաֆիքինգի և շահագործման դեմ պայքարի արդյունավետությունը։
- 2. Առավել արդյունավետ կդառնա համագործակցությունն օտարերկրյա իրավապահ մարմինների, մասնագիտացված միջազգային և հասարակական կազմակերպությունների, ԶԼՄ-ների հետ։

ԳԼՈՒԽ V. ՈՒՍՈՒՄՆԱՍԻՐՈՒԹՅՈՒՆՆԵՐԻ ԿԱՏԱՐՈՒՄԸ, ՄՇՏԱԳԻՏԱՐԿՈՒՄԸ ԵՎ ԳՆԱՀԱՏՈՒՄԸ

- 5.1.1. Քննարկել Հայաստանի Հանրապետության ազգային վիճակագրական ծառայության կողմից Աշխատանքի միջազգային կազմակերպության (ԱՄԿ) տեխնիկական աջակցությամբ 2015 թվականին իրականացված՝ երեխայի աշխատանքի ազգային հետազոտության արդյունքները և դրա տեղայնացման հնարավորությունները։
- 5.1.2. Իրականացնել մարդկանց թրաֆիքինգի և շահագործման ենթարկված, ինչպես նաև մարդկանց թրաֆիքինգ և շահագործում կատարած անձանց մասին տվյալների հավաքագրում և վերլուծություն (ներառելով սեռը, շահագործման ձևը, ծագման/նպատակակետ երկիրը և այլ տեղեկատվություններ)։
 - 5.1.3. Իրականացնել ամփոփում ամենամյա տարեկան հաշվետվությունների միջոցով:
- 5.1.4. Իրականացնել նախորդ ծրագրի կատարման եռամյա ամփոփում և գնահատում՝ հիմք ընդունելով նաև Հայաստանի Հանրապետության մարդու իրավունքների պաշտպանի տարեկան հաղորդումը, ինչպես նաև հատուկ և արտահերթ զեկույցները։

Գլուխ ∨ ակնկալվող արդյունքները

- 1. Կոստակեցվեն մարդկանց թրաֆիքինգի և շահագործման դեպքերի թիվը, բնութագրերը և դրդապատճառները։
- 2. Կստացվեն հավաստի տվյալներ Հայաստանի Հանրապետությունում մարդկանց թրաֆիքինգի և շահագործման խնդրի, դրա բնութագրերի, դրդապատճառների ու նպաստող երևույթների մասին։
 - 3. Կբարձրանա ծրագրի իրականացման արդյունավետությունը։

Հայաստանի Հանրապետությունում 2016-2018 թվականների ընթացքում մարդկանց թրաֆիքինգի և շահագործման դեմ պայքարի կազմակերպման Ազգային ծրագրի ֆինանսավորումն իրականացվում է Հայաստանի Հանրապետության պետական բյուջեից և օրենքով չարգելված այլ աղբյուրներից՝ հասարակական ու մասնավոր ոլորտների հատկացումներից, ինչպես նաև միջազգային կազակերպությունների կողմից տրամադրված ֆինանսական աջակցություններից։

ԺԱՄԱՆԱԿԱՑՈՒՅՑ

ՀԱՑԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2016-2018 ԹՎԱԿԱՆՆԵՐԻ ԸՆԹԱՑՔՈՒՄ ՄԱՐԴԿԱՆՑ ԹՐԱՖԻՔԻՆԳԻ ԵՎ ՇԱՀԱԳՈՐԾՄԱՆ ԴԵՄ ՊԱՑՔԱՐԻ ԿԱԶՄԱԿԵՐՊՄԱՆ ԱԶԳԱՅԻՆ ԾՐԱԳՐԻ ԻՐԱԿԱՆԱՑՄԱՆ

NN ը/կ	Միջոցառումները	Պատասխանատու և համագործակցող	Կատարման ժամկետը	Ֆինանսավորման հնարավոր	Ակնկալվող արդյունքները
		կազմակերպությունները		աղբյուրները	
1	2	3	4	5	6
	🗆 Մարդկանց թրաֆիքինգի և շահագործմա	ւն դեմ պայքարի օրենսդրությւ	սն կատարելա	գ ործում և գործող օլ	րենսդրության կիրաոման
ապահ					
	Նպատակ 1. Օրենսդրական դաշտի կատալ	րելագործում և կիրա ոելիությ ա	ա ապահովում		
1.1.1.	Իրականացնել մարդկանց թրաֆիքինգի և շահագործման երևույթի հետ կապված	Շահագրգիո պետական մարմիններ	2016-2017 թթ.	Ֆինանսավորում չի պահանջվում։	Կկատարելագործվի Հայաստանի Հանրապետությունում գործող
	Հայաստանի Հանրապետությունում գործող և միջազգային օրենսդրական դաշտի	ՀՀ արդարադատության նախարարություն			օրենսդրական դաշտը, այն կհամապատասխանեցվի Հայաստանի Հանրապետության միջազգային
	շարունակական վերլուծություն 	ՀՀ աշխատանքի և			
		սոցիալական հարցերի			իանձնառություններին։
		նախարարություն			
		ՀՀ կառավարությանն			
		առընթեր ՀՀ ոստիկանություն			
		ՀՀ արտաքին գործերի			
		նախարարություն			
		ՀՀ աոողջապահության			
		նախարարություն			
1.1.2.	Մշակել և հաստատել ստուգաթերթեր հարկա-	ՀՀ աոողջապահության	2017 թ.	օրենքով	Կբարելավվեն մարդկանց
	դիր աշխատանքի և երեխայի աշխատանքի	նախարարություն		չարգելված	թրաֆիքինգի և շահագործման
	վատթարագույն ձևերի հայտնաբերման համար			ֆինանսավորման	ենթարկված անձանց

1	2	3	4	5	6
				այլ աղբյուրներ	բացահայտման, նույնացման և
					ուղղորդման գործընթացները։
1.1.3.	Մշակել մարդկանց թրաֆիքինգի զոհ	ՀՀ աշխատանքի և	2016-2018 թթ.	Ֆինանսավորում չի	Կոստակեցվեն թրաֆիքինգի և
	երեխաների հայտնաբերման և ուղղորդման	սոցիալական հարցերի		պահանջվում։	շահագործման ենթարկված
	ուղեցույց	նախարարություն			երեխաների աջակցության և
					պաշտպանության
		ՀՀ կառավարությանն			ընթացակարգերը։
		առընթեր ՀՀ ոստիկանություն			
Գլուխ	⊞. Մարդկանց թրաֆիքինգի և շահագործմւ				-
	Նպատակ 1. Մարդկանց թրաֆի <u>ք</u> ինգի և _Հ ա	ւհագործման վտանգի վերաբե	րյալ բնակչութ	յան իրազեկման բա	րձրացում
2.1.1	Շարունակել բնակչության իրազեկման և	ՀՀ տարածքային	2016-2018 թթ.	ՀՀ պետական	Կբարձրանա բնակչության,
	տեղեկացվածության բարձրացման աշխա-	կառավարման և զարգացման		բյուջեով	հատկապես ոիսկային խմբերի՝
	տանքները մարդկանց թրաֆիքինգի և շահա-	նախարարության միգրացիոն		նախատեսված	մարդկանց թրաֆիքինգի և
	գործման վտանգի վերաբերյալ՝ հատկապես	պետական ծառայություն		միջոցներ և	շահագործման վտանգների
	ոիսկային խմբերում (օտարերկրացիներ,	ՀՀ աշխատանքի և		օրենքով	մասին տեղեկացվածության
	ապաստան հայցողներ, փախստականներ,	սոցիալական հարցերի		չարգելված	մակարդակը, դրա դեմ
	արտագնա աշխատանքի մեկնողներ, կյանքի	նախարարություն		ֆինանսավորման	պայքարելու հնարա-
	դժվարին իրավիճակում հայտնված անձինք)	ՀՀ սպորտի և		այլ աղբյուրներ	վորությունների մասին
		երիտասարդության հարցերի			իրազեկվածությունը։
		նախարարություն			
2.1.2	ՀՀ սահմանային անցակետերում	ՀՀ կառավարությանն	2016-2018 թթ.	օրենքով	
	շարունակել մարդկանց թրաֆիքինգի և	առընթեր ազգային		չարգելված	
	շահագործման մասին աոկա	անվտանգության		ֆինանսավորման	

1	2	3	4	5	6
	տեղեկատվական նյութերի տրամադրումը (տարածումը)	նախարարություն ՀՀ կառավարությանն առընթեր ՀՀ ոստիկանություն		այլ աղբյուրներ	
2.1.3	Առողջապահական և ուսումնական հաստատություններում շարունակել մարդկանց թրաֆիքինգի և շահագործման վտանգի մասին առկա տեղեկատվական նյութերի տրամադրումը (տարածումը)	ՀՀ առողջապահության նախարարություն ՀՀ կրթության և գիտության նախարարություն	2016-2018 թթ.	օրենքով չարգելված ֆինանսավորման այլ աղբյուրներ	
2.1.4	Մարդկանց թրաֆիքինգի և շահագործման վերաբերյալ երիտասարդության իրազեկու- թյան բարձրացման նպատակով կազմա- կերպել միջոցառումներ և իրականացնել ծրագրեր	ՀՀ սպորտի և երիտասարդության հարցերի նախարարություն ՀՀ կառավարությանն առընթեր ՀՀ ոստիկանություն	2016-2018 рр.	ՀՀ պետական բյուջեով նախատեսված միջոցներ և օրենքով չարգելված ֆինանսավորման այլ աղբյուրներ	Կնվազի հանրության շրջանում թրաֆիքինգի և շահագործման զոհերի նկատմամբ անհանդուրժողականությունը։
2.1.5	Հայաստանի Հանրապետության դիվանագիտական ներկայացուցչությունների, սփյուոքի համայնքային և եկեղեցական կառույցների միջոցով արտերկրում գտնվող Հայաստանի Հանրապետության քաղաքացիների շրջանում իրականացնել մարդկանց թրաֆիքինգի և շահագործման վերաբերյալ կանխարգելիչ միջոցառումներ՝ առկա տեղեկատվական նյութերի տրամադրմամբ	ՀՀ սփյուոքի նախարարություն ՀՀ արտաքին գործերի նախարարություն	2016-2018 թ թ.	օրենքով չարգելված ֆինանսավորման այլ աղբյուրներ	Կբարձրանա արտերկրում գտնվող Հայաստանի Հանրա- պետության քաղաքացիների շրջանում իրազեկվածության մակարդակը՝ մարդկանց թրաֆիքինգի և շահագործման թրաֆիքինգի և շահագործման ենթարկված անձանց աջակցության նպատակով

1	2	3	4	5	6
2.1.6	Մարդկանց թրաֆիքինգի և շահագործման վերաբերյալ հանրային իրազեկման ընդլայնման նպատակով Հայաստանի Հանրապետությունում մարդկանց թրա-ֆիքինգի և շահագործման դեմ պայքարի հարցերով խորհրդում ներկայացված նախարարությունների և գերատեսչությունների պաշտոնական կայքերում տեղադրել www.antitrafficking.am կայքի հղումը	ՀՀ-ում մարդկանց թրաֆի- քինգի և շահագործման դեմ պայքարի հարցերով խորհրդում (այսուհետ՝ խորհուրդ) ներկայացված բոլոր պետական կառավարման մարմինները	2016 թ.	Ֆինանսավորում չի պահանջվում։	հնարավորությունների մասին։
2.1.7	Միջոցառումներ իրականացնել մարդկանց թրաֆիքինգի և շահագործման վտանգի վերաբերյալ իրազեկման բարձրացման և դրա դեմ պայքարի մեխանիզմների ուղղությամբ Հայաստանի Հանրապետության զինված ուժերում (այսուհետ՝ ՀՀ ԶՈՒ), մասնավորապես՝ ա. խաղաղապահ առաքելություններին մասնակցող ՀՀ ԶՈՒ-ի անձնակազմի շրջանում պարբերաբար անցկացնել մարդկանց թրաֆիքինգի և շահագործման վերաբերյալ իրազեկման բարձրացման քննարկում-դասախոսություններ՝ հաշվի առնելով միջազգային փորձը, բ. ՀՀ պաշտպանության նախարարության ենթակայության իրավապահ մարմինների անձնակազմի շրջանում անցկացնել իրազեկման բարձրացման հատուկ ուղղվածության դասընթացներ՝ մարդկանց	ՀՀ պաշտպանության նախարարություն	2016-2018 pp.	օրենքով չարգելված ֆինանսավորման այլ աղբյուրներ	ՀՀ ՊՆ-ի ենթակայության տակ գտնվող կառույցների անձնակազմի շրջանում կբարձրանա մարդկանց շահագործման (թրաֆիքինգի) վերաբերյալ իրազեկվածության մակարդակը։

1	2	3	1	5	
I		3	4	<u>)</u>	6
	թրաֆիքինգի և շահագործման վերաբերյալ,				
	զ. մարդկանց թրաֆիքինգի և շահագործման				
	վերաբերյալ ընդհանուր տեղեկություն				
	ներաոել ՀՀ ԶՈՒ-ի ուսումնական				
	ծրագրերում,				
	դ. ՀՀ ԶՈՒ-ի ստորաբաժանումներում				
	պարբերաբար անցկացնել մարդկանց				
	թրաֆիքինգի և շահագործման, ինչպես նաև				
	իարկադիր աշխատանքի վերաբերյալ				
	տեղեկատվական հանդիպումներ, դրանց				
	մասնակից դարձնելով նաև պարտադիր				
0.1.0	ժամկետային զինծառայողներին։		2017 2010	1 (1	
2.1.8	Շարունակել հարկադիր աշխատանքի և	Հայաստանի	2016-2018 рр.	օրենքով	Կբարձրանա բնակչության,
	աշխատանքային թրաֆիքինգի իրազեկման	արհմիությունների		լ չարգելված	հատկապես ոիսկային խմբերի՝
	և տեղեկատվության աշխատանքներն	կոնֆեդերացիա		ֆինանսավորման	մարդկանց թրաֆիքինգի և
	արհմիութենական ակտիվի շրջանում	(համաձայնությամբ)		այլ աղբյուրներ	շահագործման վտանգների
2.1.9	Ոչ պետական կազմակերպությունների	ՀՀ էկոնոմիկայի	2016-2017 թթ.	օրենքով	մասին տեղեկացվածության
	(մասնավորապես՝ զբոսաշրջային ծառայու-	նախարարություն		չարգելված	մակարդակը, դրա դեմ պայքա-
	թյուններ մատուցող ընկերությունների,			ֆինանսավորման	րելու հնարավորությունների
	իյուրանոցային տնտեսության օբյեկտների և			այլ աղբյուրներ	մասին իրազեկվածությունը։
	տրանսպորտային կազմակերպությունների)				
	աշխատողների համար կազմակերպել				
	մարդկանց թրաֆիքինգի և շահագործման,				
	ինչպես նաև հարկադիր աշխատանքի				
	վտանգի և կանխարգելման վերաբերյալ				
	դասընթացներ, քննարկումներ				
	Նպատակ 2. Պետական կառավարման, տե	ղակա <mark>ն ինքնակաոավարման</mark>	մարմինների, բ	մակչության հետ ա	նմիջական կապի մեջ գտնվող
	կազմակերպությունների աշխատողների՝ մա	սրդկանց թրաֆիքինգի և շա	ոագործման վեյ	րաբերյալ իրազեկմ։	ան բարձրացում և

1	2	3	4	5	6
	վերապատրաստում				
2.2.1	ա. անցկացնել Հայաստանի Հանրապետության դիվանագիտական ներկայացուցչությունների աշխատողների իրազեկման բարձրացման աշխատանքներ, այդ թվում՝ տեղեկատվական նյութերի տրամադրմամբ, բ. Հայաստանի Հանրապետության արտաքին գործերի նախարարության (այսուհետ՝ ՀՀ ԱԳՆ), դինավագիտական դպրոցի ունկնդիրների համար անցկացնել վերապատրաստման դասընթացներ	ՀՀ արտաքին գործերի նախարարություն ՀՀ արտաքին գործերի	2016-2018 pp. 2016-2018 pp.	օրենքով չարգելված ֆինանսավորման այլ աղբյուրներ օրենքով չարգելվող	Հայաստանի Հանրապետության պետական կառավարման, տեղական ինքնակառավարման մարմինների բնակչության հետ անմիջական կապի մեջ գտնվող կազմակերպությունների աշխա- տողների շրջանում կբարձրանա մարդկանց թրաֆիքինգի և շահագործման վերաբերյալ իրազեկման մակարդակը։
	Հանրապետությունում մարդու թրաֆիքինգի և շահագործման դեմ պայքարի իրավական հիմունքները», «Թրաֆիքինգ. մարդկանց շահագործում», «Հայաստանի Հանրապետության արտաքին գործերի նախարարության հյուպատոսական ծառայության աշխատողների համար «Մարդու շահագործումը (թրաֆիքինգը) և դրա դեմ պայքարը», «Հայաստանի Հանրապետության քաղաքացիական ծառայողների պարտադիր վերապատրաստման դասընթացների «Մարդկանց շահագործումը (թրաֆիքինգը) և դրա դեմ պայքարը. ուսումնական մոդուլ» և «Մարդկանց թրաֆիքինգ. ինչպես լուսաբանել զանգվածային լրատվամիջոցներով» ձեռնարկները գործող օրենդրությանը	նախարարություն ՀՀ կրթության և գիտության նախարարություն ՀՀ աշխատանքի և սոցիալական հարցերի նախարարություն ՀՀ արդարադատության նախարարություն ՀՀ կառավարությանն աոընթեր ՀՀ ոստիկանություն		ֆինանսավորման այլ աղբյուրներ	

1	2	3	4	5	6
2.2.3	Մարդկանց թրաֆիքինգի և շահագործման՝	ՀՀ կառավարությանն	2016-2018 թթ.	օրենքով չարգելվող	
	իատկապես աշխատանքային և երեխաների	առընթեր ազգային		ֆինանսավորման	
	թրաֆիքինգի և շահագործման, ինչպես նաև	անվտանգության		այլ աղբյուրներ	
	օրենդրական փոփոխությունների վերա-	ծառայություն			
	բերյալ դասընթացներ կազմակերպել ներքո-	ՀՀ կառավարությանն			
	hիշյալ մարմինների և կազմակերպություն-	առընթեր ՀՀ ոստիկանություն			
	ների համապատասխան աշխատողների	ՀՀ քննչական կոմիտե			
	իամար՝	ՀՀ դատական			
	1) ՀՀ կառավարությանն առընթեր ազգային	դեպարտամենտ			
	անվտանգության ծառայության (այսուհետ՝	(համաձայնությամբ)			
	< UUO).	ՀՀ պաշտպանության			
	2) ՀՀ կառավարությանն առընթեր ՀՀ	նախարարություն			
	ոստիկանության.	ՀՀ աշխատանքի և			
	3) ՀՀ քննչական կոմիտեի.	սոցիալական հարցերի			
	4) ՀՀ հատուկ քննչական ծառայության.	նախարարություն			
	5) ՀՀ գլխավոր դատախազության.	ՀՀ առողջապահության			
	6) ՀՀ դատարանների.	նախարարություն			
	7) くく ՊՆ (մասնավորապես՝ ոազմական	ՀՀ տարածքային			
	ոստիկանության և զինկոմիսարիատներ).	կառավարման և զարգացման			
	8) ՀՀ փաստաբանների պալատի.	նախարարություն			
	9) սոցիալական ծառայությունների				
	տարածքային մարմինների.	ՀՀ արդարադատության			
	10) «Զբաղվածության պետական	նախարարություն			
	ծառայություն» գործակալության մարզային և	ՀՀ տարածքային			
	տարածքային մարմինների.	կառավարման և զարգացման			
	11) ինտեգրված սոցիալական ծառայություն- ների	նախարարության միգրացիոն			
	ների.	պետական ծառայություն			
	12) ՀՀ առողջապահական համակարգի, այդ թվում՝ առողջապահական պետական				
	թվուս առուլչապառակաս պստակաս				

1	2	3	4	5	6
	տեսչության. 13) տարածքային կառավարման և տեղական ինքնակառավարման մարմինների. 14) ՀՀ արդարադատության նախարարու- թյան քրեակատարողական ծառայության. 15) ՀՀ տարածքային կառավարման և զարգացման նախարարության միգրացիոն պետական ծառայության				
2.2.4	Երեխաների խնամք և պաշտպանություն իրականացնող հաստատությունների և հատուկ դպրոցների երեխաների հետ աշխատող անձնակազմի համար կազմա- կերպել դասընթացներ երեխաների թրաֆի- քինգի և շահագործման դեպքերի կանխար- գելման, հայտնաբերման ու հատուկ կատե- գորիայի զոհերի աջակցության և պաշտպա- նության կազմակերպման վերաբերյալ	ՀՀ աշխատանքի և սոցիալական հարցերի նախարարություն ՀՀ կրթության և գիտության նախարարություն	2016-2018 рр.	ՀՀ պետական բյուջեով նախատեսված միջոցներ և օրենքով չարգելվող ֆինանսավորման այլ աղբյուրներ	
2.2.5	Երեխաների իրավունքների պաշտպանու- թյան համակարգի աշխատողների համար կազմակերպել հատուկ դասընթացներ երեխաների թրաֆիքինգի և շահագործման դեպքերի կանխարգելման, հայտնաբերման ու հատուկ կատեգորիայի զոհերի աջակցության և պաշտպանության կազմակերպման վերաբերյալ	ՀՀ աշխատանքի և սոցիալական հարցերի նախարարություն ՀՀ տարածքային կառավարման և զարգացման նախարարություն	2016-2018 թթ.	օրենքով չարգելվող ֆինանսավորման այլ աղբյուրներ	
2.2.6	Շարունակել հանրակրթական դպրոցների մանկավարժների վերապատրաստման դասընթացները՝ «Թրաֆիքինգ. մարդկանց շահագործում» ձեռնարկի կիրառմամբ	ՀՀ կրթության և գիտության նախարարություն	2016-2018 թթ.	Ֆինանսավորում չի պահանջվում։	

1	2	3	4	5	6
2.2.7	ՀՀ առողջապահության նախարարության առողջապահական պետական տեսչության աշխատանքի անվտանգության ապահովման հարցերով ծառայողների գործառույթների հստակեցման համար համապատասխան իրավական ակտերի վերանայման նպատակով առաջարկությունների ներկայացում ՀՀ կառավարություն	ՀՀ աոողջապահության նախարարություն	2016-2017 рр.	օրենքով չարգելված ֆինանսավորման այլ աղբյուրներ	
2.2.8	Տարածքային կառավարման և տեղական ինքնակառավարման մարմինների կարողությունների զարգացում՝ մարդկանց թրաֆիքինգի և շահագործման դեպքերի կանխարգելման, հայտնաբերման, աջակցության և պաշտպանության կազմակերպման գործում	ՀՀ տարածքային կառավարման և զարգացման նախարարություն	2016-2018 թթ.	օրենքով չարգելվող ֆինանսավորման այլ աղբյուրներ	
2 2 1	Նպատակ 3. Երեխաների թրաֆիքինգի և չ			CC internations	Imun knusuu suun luuta
2.3.1	«Պետական աջակցություն Հայաստանի Հանրապետության մանկական խնամակա- լական կազմակերպությունների շրջանա- վարտներին» ծրագրի շրջանակներում իրականացնել մանկական խնամակալական կազմակերպությունների շրջանավարտների սոցիալական պաշտպանությանն ուղղված ծրագրեր	ՀՀ աշխատանքի և սոցիալական հարցերի նախարարություն	2016-2018 pp.	ՀՀ պետական բյուջեով նախատեսված միջոցներ և օրենքով չարգելվող ֆինանսավորման այլ աղբյուրներ	Կբարձրանա մարդկանց թրաֆիքինգի և շահագործման ենթարկված անձանց մրցունակությունն աշխատաշուկայում։
2.3.2	Հանրակրթական դպրոցներում սովորող- ների շրջանում անցկացնել մարդու իրա-	ՀՀ կրթության և գիտության նախարարություն	2016-2018 рр.	օրենքով չարգելվող ֆինանսավորման	հաստատությունների սովորողների
	վունքներին (այդ թվում նաև` թրաֆիքինգին և շահագործման հարցերին) վերաբերող թեմաների ուսուցում	Հայաստանի գործատուների հանրապետական միություն (համաձայնությամբ)		այլ աղբյուրներ	գիտելիքների մակարդակը մարդու իրավունքների, այդ թվում՝ նաև մարդկանց թրաֆիքինգի և շահագործման վերաբերյալ։

1	2	3	4	5	6
2.3.3	Կազմակերպել մինչև 18 տարեկան աշխա- տող երեխաների՝ ՀՀ օրենսդրությամբ սահմանված երաշխիքների ապահովման մասին իրազեկման և աշխատող երեխա- ներին աշխատանքի վատթարագույն ձևերում ներգրավվման կանխարգելման վերաբերյալ սեմինարներ և քննարկումներ	ՀՀ առողջապահության նախարարության առողջապահական պետական տեսչություն	2016 թ.	ՀՀ պետական բյուջեով նախատեսված	Բնակչությունը կտեղեկացվի հավանական զոհերի, զոհերի և հատուկ կատեգորիայի զոհերի աջակցության և պաշտպանության մասին։
2.3.4	Նախնական (արհեստագործական) և միջին մասնագիտական կրթական ծրագրեր իրականացնող ուսումնական հաստա- տությունների սովորողների և դասավան- դողների համար կազմակերպել մարդկանց թրաֆիքինգի և շահագործման վերաբերյալ դասընթացներ	ՀՀ կրթության և գիտության նախարարություն Հայաստանի գործատուների հանրապետական միություն (համաձայնությամբ)	2016-2018 pp.	օրենքով չարգելվող ֆինանսավորման այլ աղբյուրներ	Կբարձրանա ուսումնական հաստատությունների սովորողների գիտելիքների մակարդակը մարդու իրավունքների, այդ թվում՝ նաև մարդկանց թրաֆիքինգի և շահագործման վերաբերյալ։
0.44	Նպատակ 4. Սոցիալ-տնտեսական ծրագրե	T	001/ 0010		
2.4.1	Մարդկանց թրաֆիքինգի և շահագործման ենթարկված անձանց ներգրավել զբաղվա- ծության կարգավորման ամենամյա պետա- կան ծրագրերում	ՀՀ աշխատանքի և սոցիալական հարցերի նախարարություն Հայաստանի գործատուների հանրապետական միություն (համաձայնությամբ)	2016-2018 թթ.	ՀՀ պետական բյուջեով նախատեսված միջոցներ	Կբարձրանա մարդկանց թրաֆիքինգի և շահագործման ենթարկված անձանց մրցունակությունն աշխատաշուկայում։
2.4.2	Աշխատաշուկայում անմրցունակ անձանց աշխատանքի տեղավորման դեպքում գործատուին աշխատավարձի մասնակի և հաշմանդամություն ունեցող անձին ուղեկցողի համար դրամական օգնության տրամադրում	ՀՀ աշխատանքի և սոցիալական հարցերի նախարարություն	2016-2018 рр.	ՀՀ պետական բյուջեով նախատեսված միջոցներ	

1	2	3	4	5	6
	Ձեոք բերած մասնագիտությամբ մասնա-	ՀՀ աշխատանքի և	2016-2018 թթ.	ՀՀ պետական	
2.4.3	գիտական աշխատանքային փորձ ձեռք	սոցիալական հարցերի		րյուջեով	
	բերելու համար գործազուրկներին աջակ-	նախարարություն		նախատեսված	
	ցության տրամադրում			միջոցներ	
2.4.4	Գործազուրկին այլ վայրում աշխատանքի	ՀՀ աշխատանքի և	2016-2018 թթ.	ՀՀ պետական	
	տեղավորման աջակցության տրամադրում	սոցիալական հարցերի		բյուջեով	
		նախարարություն		նախատեսված	
				միջոցներ	
2.4.5	Աշխատաշուկայում անմրցունակ անձանց	ՀՀ աշխատանքի և	2016-2018 թթ.	ՀՀ պետական	
	աշխատանքի տեղավորման դեպքում	սոցիալական հարցերի		բյուջեով	
	գործատուին միանվագ փոխհատուցման	նախարարություն		նախատեսված	
	տրամադրում			միջոցներ	
2.4.6	Աշխատաշուկայում անմրցունակ անձանց	ՀՀ աշխատանքի և	2016-2018 թթ.	ՀՀ պետական	
	աշխատանքային ունակությունների և	սոցիալական հարցերի		բյուջեով	
	կարողությունների ձեռքբերման համար	նախարարություն		նախատեսված	
	միանվագ փոխիատուցում գործատուին			միջոցներ	
2.4.7	Աշխատաշուկայում անմրցունակ անձանց	ՀՀ աշխատանքի և	2016-2018 рр.	ՀՀ պետական	
	փոքր ձեռնարկատիրական գործունեության	սոցիալական հարցերի		բյուջեով	
	աջակցության տրամադրում	նախարարություն		նախատեսված	
				միջոցներ	
	Նպատակ 5. Զանգվածային լրատվամիջոցն	սերի դերի բարձրացումը մալ	ւդկանց թրաֆիլ	շինգի և շահագործվ	ան երևույթի լուսաբանման
	գործում		1	T	
2.5.1	Մարդկանց թրաֆիքինգի և շահագործման	ԱԽ անդամ հանդիսացող	2016-2018 рр.	օրենքով չարգելվող	
	վտանգի, զոհերի հանդեպ անհանդուրժողա-	պետական կառավարման		ֆինանսավորման	հավանական զոհերի, զոհերի և
	կանության դրսևորումների դեմ պայքարի	մարմիններ		այլ աղբյուրներ	հատուկ կատեգորիայի զոհերի
	վերաբերյալ հասարակության իրազեկման				աջակցության և պաշտպանության
	բարձրացման նպատակով ԶԼՄ-ների հետ				մասին։
	իամագործակցությամբ շարունակել				

1	2	3	4	5	6
	կազմակերպել հեռուստատեսային և ռադիո հաղորդումներ, քննարկումներ, հանդիպումներ, սոցիալական գովազդների				
	ցուցադրություններ և այլն				
2.5.2	Ապահովել Հայաստանի Հանրապետու- թյունում մարդկանց թրաֆիքինգի և շահա- գործման դեմ պայքարն արտացոլող www.antitrafficking.am կայքի անխափան գործունեության և զարգացման պետական ֆինանսավորումը	ՀՀ սպորտի և երիտասարդության հարցերի նախարարություն	2016-2018 рр.	ՀՀ պետական բյուջեով նախատեսված միջոցներ	Կբարձրանա ԶԼՄ-ների կողմից լուսաբանվող՝ մարդկանց թրաֆիքինգի և շահագործման վերաբերյալ նյութերի որակը։
	Մարդկանց թրաֆիքինգի և շահագործման երևույթը լուսաբանող լրագրողների մասնա- գիտական կարողությունների զարգացման և լրագրողական վարքականոնների կիրաո- ման նպատակով կազմակերպել դաս- ընթացներ և քննարկումներ։	ՀՀ աշխատանքի և սոցիալական հարցերի նախարարություն ՀՀ կաոավարությանն աոընթեր ՀՀ ոստիկանություն	2016-2018 pp.	օրենքով չարգելվող ֆինանսավորման այլ աղբյուրներ	
		ՀՀ սպորտի և			
		երիտասարդության հարցերի նախարարություն			
	Անցկացնել ամենամյա լրագրողական մրցա- նակաբաշխություն՝ մարդկանց թրաֆիքինգի և շահագործման երևույթի և դրա դեմ	Հայաստանի Հանրապետությունում մարդկանց թրաֆիքինգի և	2016-2018 рр.	ՀՀ պետական բյուջեով նախատեսված	
	պայքարի լուսաբանման վերաբերյալ	շահագործման դեմ պայքարի հարցերով խորհուրդ		միջոցներ	

Գլուխ III. Մարդկանց թրաֆիքինգի և շահագործման ենթարկված անձանց հայտնաբերում, պաշտպանություն և աջակցություն

Նպատակ 1. Մարդկանց թրաֆիքինգի և շահագործման ենթարկված անձանց հայտնաբերում և վերադարձի կազմակերպում

1	2	3	4	5	6	
3.1.1	_	<u> </u>				
3.1.1	Կազմակերպել օտարերկրյա պետության	ՀՀ արտաքին գործերի	2016-2018 рр.	օրենքով չարգելվող		
	տարածքում գտնվող թրաֆիքինգի և շահա-	նախարարություն		ֆինանսավորման	մարդկանց թրաֆիքինգի և	
	գործման ենթարկված անձանց վերաբերյալ	ՀՀ կառավարությանն		այլ աղբյուրներ	շահագործմանն ենթարկված	
	«Մարդկանց թրաֆիքինգի և շահագործման	առընթեր ազգային			անձանց պաշտպանությունը, այդ	
	ենթարկված անձանց նույնացման և աջակ-	անվտանգության			թվում՝ կապահովվի նրանց	
	ցության մասին» ՀՀ օրենքով սահմանված	ծառայություն			անվտանգությունն ու անձնական	
	տեղեկությունների փոխանցումը ՀՀ ԱԳՆ-ի	ՀՀ կառավարությանն			տվյալների գաղտնիությունը։	
	միջոցով՝ համապատասխան օգնություն	առընթեր ՀՀ ոստիկանություն				
	ցուցաբերելու և ՀՀ կամավոր					
	վերադարձնելու նպատակով					
3.1.2	Աշխատանքներ տանել ՀՀ սահմանային	ՀՀ կառավարությանն	2016-2018 թթ.	օրենքով չարգելվող	Աոավել արդյունավետ կդաոնա	
	անցակետերում ծառայություն	առընթեր ազգային		ֆինանսավրման	մարդկանց թրաֆիքինգի և	
	իրականացնող պետական և մասնավոր	անվտանգության		այլ աղբյուրներ	շահագործման ենթարկված	
	կազմակերպությունների կողմից	ծառայություն			անձանց պաշտպանությունը և	
	իավանական զոհերի հայտնաբերման				աջակցության տրամադրումը։	
	մեխանիզմների մշակման ուղղությամբ։					
	Նպատակ 2. Մարդկանց թրաֆիքինգի և շահագործման ենթարկված անձանց պաշտպանության և աջակցության տրամադրում					
3.2.1	Ապահովել մարդկանց թրաֆիքինգի և շահա-	ՀՀ աշխատանքի և	2016-2018 թթ.	ՀՀ պետական	«Մարդկանց թրաֆիքինգի և	
	գործման հավանական զոհերին, զոհերին,	սոցիալական հարցերի		բյուջեով	շահագործման ենթարկված	
	իատուկ կատեգորիայի զոհերին և նրանց	նախարարություն		նախատեսված	անձանց նույնացման և	
	օրինական ներկայացուցիչներին «Մարդ-	ՀՀ կառավարությանն		միջոցներ և	աջակցության մասին» ՀՀ	
	կանց թրաֆիքինգի և շահագործման	առընթեր ՀՀ ոստիկանություն		օրենքով չարգելվող		
	ենթարկված անձանց նույնացման և աջակ-			ֆինանսավորման	աջակցության տրամադրումը	
	ցության մասին» ՀՀ օրենքով սահմանված			այլ աղբյուրներ	կնպաստի հասարակության մեջ	
	աաշտպանության ու աջակցության			VI IIV 1 1	մարդկանց թրաֆիքինգի և	
	տրամադրումը				շահագործման ենթարկված	
					անձանց ինտեգրմանը։	
	1			1	31 IIE	

1	2	3	4	5	6			
3.2.2	Ապահովել մարդկանց թրաֆիքինգի և	ՀՀ աշխատանքի և	2016 թ.	ՀՀ պետական	մարդկանց թրաֆիքինգի և			
	շահագործման ենթարկված անձանց	սոցիալական հարցերի		բյուջեով	շահագործման ենթարկված			
	մատուցվող անհրաժեշտ ծառայությունների	նախարարություն		նախատեսված	անձանց աջակցության			
	նվազագույն չափորոշիչների ներդրումը։	ՀՀ կրթության և գիտության		միջոցներ և	ապահովում			
		նախարարություն		օրենքով չարգելվող				
		ՀՀ աոողջապահության		ֆինանսավորման				
		նախարարություն		այլ աղբյուրներ				
		ՀՀ տարածքային						
		կառավարման և զարգացման						
		նախարարություն						
Գլուի	Գլուխ ⊣∨. <mark>Համագործակցություն</mark>							
	Նպատակ 1. Միջազգային համագործակցություն							
4.1.1	Մարդկանց թրաֆիքինգի և շահագործման	ՀՀ արտաքին գործերի	2016-2018 թթ.	Ֆինանսավորում չի	Առավել արդյունավետ կդառնա			
	դեմ պայքարի ոլորտում համագործակցել	նախարարություն		պահանջվում։	համագործակցությունն			
	միջազգային, տարածաշրջանային, հասա-	ՀՀ աշխատանքի և			օտարերկրյա իրավապահ			
	րակական կազմակերպությունների և	սոցիալական հարցերի			մարմինների, մասնագիտացված			
	ԶԼՄ-ների հետ	նախարարություն			միջազգային և հասարակական			
		ՀՀ կառավարությանն			կազմակերպությունների,			
		առընթեր ՀՀ ոստիկանություն			ԶԼՄ-ների հետ։			
		ՀՀ սպորտի և						
		երիտասարդության հարցերի						
		նախարարություն						
	Մարդկանց թրաֆիքինգի և շահագործման	ՀՀ կառավարությանն	2016-2018 թթ.		Միջազգային համագործակցու-			
	դեմ արդյունավետ պայքարի նպատակով	առընթեր ՀՀ ոստիկանություն		Ֆինանսավորում չի	թյան արդյունքում կբարձրանա			
	շարունակել համագործակցությունն օտար-	ՀՀ կառավարությանն		պահանջվում։	մարդկանց թրաֆիքինգի և			
	երկրյա իրավապահ մարմինների ու մասնագի-	առընթեր ազգային			շահագործման դեմ պայքարի			
	տացված միջազգային կազմակերպություն-	անվտանգության			արդյունավետությունը։			

ւն մարդկանց
շահագործման
բնութագրերը և
երը։ Կստացվեն
ներ Հայաստանի
ոնում մարդկանց
շահագործման
մսութագրերի,
<u>ւ</u> րի ու նպաստող
րի մասին։
դրդապատճաոների ու նպաստո երևույթների մասին։

1	2	3	4	5	6
5.1.4 I	Դրականացնել նախորդ ծրագրի կատարման	Հայաստանի	2016 թ.	Ֆինանսավորում չի	Կբարձրանա ծրագրի
	ոռամյա ամփոփում և գնահատում՝ հիմք	Հանրապետությունում		պահանջվում։	իրականացման
	ընդունելով նաև ՀՀ մարդու իրավունքների	մարդկանց թրաֆիքինգի և			արդյունավետությունը։
l	պաշտպանի տարեկան հաղորդումը, ինչպես	շահագործման դեմ պայքարի			
լ	ւաև հատուկ և արտահերթ զեկույցները	հարցերով խորհուրդ			
l	ւ արդյունքների վերաբերյալ առաջարկու-				
F	əյունների ներկայացում hամապատասխա <u>ն</u>				
ι	պետական կառավարման մարմիններին <u>։</u>				

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

